

揭

陽

縣

正

續

志

丁丑重印

馬炳乾署





序

揭陽縣志原有正續兩編正編成於勝清乾隆四十四年續編則光緒十四年成之歲月不居距今又更四十人裘葛其間政治之變遷建設之存廢學校之因革山川河流道路之改易人民經濟習俗之演進今昔不同前任何縣長曾設局籌備續修後因環境關係未有進行秉勛民國二十四年秋由鶴山調署斯邑欲有所借鏡蒐檢遺書縣府架欄迄無留存民間度藏僅餘碩果未修之志既遲遲有待而已成之志若不設法保存則一邑之固有文化恐將湮沒不傳鄉先達之遺韻流風隨蔓草烽煙以漸滅而後學之攷獻徵文者更何所資而取法焉邑中明達亦同此心乃由縣參議會發起翻印並推舉士紳捐資姓名送府聘爲董事由縣府領導提挈進行翻印之數

揭陽縣志

重印卷首

黃序

一

決定正續編各一千部義例編次文字悉照原定並無增刪集議既定遂付剞劂夫揭陽爲嶺東重鎮在明清鼎革之交倭寇紛乘肆行蹂躪卒遭懲創以退計不得逞歷史紀載有足爲今世龜鑒者而志中人物傳如薛中離之理學翁襄敏之勲名郭翰詹之貞操鄭勤恪之事業聲施爛然尤爲國中有數人物予後人以攷鏡之資則保存揭陽舊志謂關係於廣東通志也可卽謂關係於中國國史也亦無不可印刷未竟秉勛奉命調長汕市行將他適矣凡事作始難克終尤難今茲舊志之翻印雖經着手且撥有定款一千四百四十元然不敷之數擬就地方款二十五年度預算停撥縣參議會經費項下移撥呈請

民政廳未奉照准則如何續籌的款督促之責甚關重要全賴繼任



之賢與董事諸君子戮力負責庶足匡秉勛所不逮而竟縣參議未  
竟之志不至功虧一簣至再次續修紀前續志以後政治變遷之過  
程建置存廢之大略學校因革之梗概山川河流道路改易之蹟人  
民經濟習俗演進之故亦不能不望諸來者云

中華民國二十五年孟冬揭陽縣縣長黃秉勛序



重修文廟重印縣志董事會董事名氏

黃秉勛

馬炳乾

孫家哲

姚秋園

吳文獻

陳箇民

孫少巖

孫鼎初

郭五琴

謝墉甫

陳頡龍

吳香谷

林簣初

曾靖聖

周頤

林振德

黃乾修

林象鼎

莊爾威

郭和甫

盧育進

池祥璧

林應貞

夏嗣迎

陳宗海

林蔭亭

李樹藩

吳文理

許日慎

黃廣真

揭陽縣志

重印卷首

姓名

三

林燦然

黃耀南

監刊

姚秋園

郭五琴

陳頡龍

財政

謝墉甫

孫鼎初

吳香谷

郭和甫

黃乾修

林應貞

校勘

陳培玉



仿印揭陽縣正續志序

揭陽縣志八卷爲清乾隆四十四年劉前令業勤總合前人迭修之書重加纂定至光緒十四年王前令崧復採近百餘年之事錄爲專書凡四卷附於劉志之後曰續志逾兩年刊而行之者莊令允懿也兩書均以歷時過久版燬無存僅存之成書亦泰半蝕于蠹叢殘漶漫至不堪卒讀民國二十五年前縣長黃君秉勛乃議仿印而聘縉紳姚先生秋園孫君菽資等多人董其事未成而擢遷去予以二十六年一月奉調來權縣篆可諸紳之請撥給公帑俾完成之書成而屬序于予予維一邑山川疆域建置戶口賦役物產之情勢與夫士大夫學術性行動業文章之懿美足以備出治之考鏡而資士民之觀感者具在乎志揭鉅縣也山海之藏風物之美人文之盛有聲于

揭陽縣志

重印卷首

馬序

一

東粵者已久一披志燦然在目焉然志斷自光緒戊子而止逮乎清季以迄今日我國適應于國際之趨勢革新治道規模闊遠地方制度之遞嬗社會生活之變遷大異曩昔以今較古文化有高低也工業有優劣也交通有暢阻也物產有盈縮也凡以爲因革損益之資化民成俗之本則以志失修故而無所稽考竊不自揆慨思重纂而蒞事伊始適乘民生凋瘵物力竭蹶之餘方與都人士講求整理經畫多端略無暇晷迨至七月七日蘆溝橋事件發生中日戰起舉國騷然粵東亦受敵氛之擾時奉功令以訓練壯丁征集兵役編練保甲充實糧食及交通運輸防空救濟諸務爲急其餘無與抗戰之建設概從罷免文化經費且採緊縮政策而何有于修志乎故僅督工事嚴校勘求免陳編之散軼今喜告成亦諸君子之力也抑予竊以



舊志所載間有疏舛當加訂正者明之亡也鄭成功樹幟于閩以圖恢復義士也而志書之曰閩寇此當刪正無疑義矣卽如武生劉公顯等之聚兵藍霧號曰九軍也事在順治初年明社旣屋滿兵長驅南下由閩趨廣之候其所結合者鄭鴻逵鄭成功也所奉正朔明桂王朱由榔永歷年號也所共擁以圖匡復者明益王子朱由榛也所與抗者清總督佟養甲及其所遣之將領也徒以陷城之日虐戮士紳草澤暴行有辜衆生秉筆者因書之爲賊而義以時起語其梗概殆未始非民族精神國家觀念之所存不然佟督入潮一時山谿崗壑之豪幾盡爲所招撫効命新朝以安享榮祿而彼九軍者大兵壓之不爲懾重幣啖之不爲動七載負隅始終頑抗至于糧盡矢窮闔寨自焚而不悔獨何爲者當明之亡以揭人平日沐浴薛中離翁裏揭陽縣志

重印卷首

馬序

二

敏諸先哲之流風當有愴懷故國慷慨赴義者出然以予所聞則有郭公之奇追隨桂王崎嶇緬甸交趾間卒殉節于桂林世以比宋之文陸可謂壯矣而此外奮起鄉里則書闕有間予悲此類名湮沒而不彰無以風勵後世號召忠義也而是役也又限于翻印片辭單語一仍其舊未及網羅散失博諮耆獻以相攷証而燭疑團于數百年之下爰爲之序普揭而出之筆削之公敬俟來哲

中華民國二十六年八月揭陽縣長台山馬炳乾謹



重修文廟重印縣志董事會董事名氏

黃秉勛

馬炳乾

孫家哲

姚秋園

吳文獻

陳箇民

孫少巖

孫鼎初

郭五琴

謝墉甫

陳頡龍

吳香谷

林簣初

曾靖聖

周頤

林振德

黃乾修

林象鼎

莊爾威

郭和甫

盧育進

池祥璧

林應貞

夏嗣迎

陳宗海

林蔭亭

李樹藩

吳文理

許日慎

黃廣真

揭陽縣志

重印卷首

姓名

三

林燦然

黃耀南

監刊

姚秋園

郭五琴

陳頡龍

財政

謝墉甫

孫鼎初

吳香谷

郭和甫

黃乾修

林應貞

校勘

陳培玉



序

揭陽爲秦戍五嶺之一得名最古而志乘隋唐以上無聞自宋宣和設治而後迄明嘉靖乙巳距思陵壬申志始兩修何濶絕若斯也明鼎旣遷疊遭兵燹典章放失耆舊遺文并與秦灰俱盡矣迨我

朝康熙丁卯前令餘姚鄭公濂慨文獻無徵迺行採綴雍正辛亥會修一統志令郡邑各上方書湘潭陳公樹芝本鄭志爲綿蕞重加增訂義類頗詳又垂三十餘年乾隆辛巳如皋黃公大鶴復起而續輯蓋至是揭志凡五易焉一日紳士造予請曰邑志摸未臻美善自康熙丁卯及雍正辛亥乾隆辛巳凡三易而志始成其間城郭山川與夫風土人物藝文之屬胥筆於書已釐然若網之在綱

揭陽縣志

卷之一

序

一

矣歲已亥前邑令桂林劉君復起而續輯之於紀事垂憲貽遠之要重加考核其義類似更備焉第體例未盡畫一詞句未盡雅馴方今

聖天子大一統之盛修四庫之書微顯闡幽刪繁補漏舉凡疑義之訛淆詞旨之詭異罔不釐剔精當要諸盡善蓋所以備文獻垂法戒而昭邳隆之治者于茲具見而謂邑志顧可忽乎哉且夫子長孟堅之史所以上繼春秋而下莫之逮者正以其文直事核耳文直則雕刻藻繪之言不足尙矣事核則謂不知今其失罔予爲諸生時亦嘗究以古今人物山川風土禮樂兵刑之書一行作吏姪姪薄書期會間日無寧晷矣其能與斯役耶旣而紳士請益堅且言番禺進士凌君西波熟掌故今在籍因禮致之并延邑紳陳君



仰齋庀其局予爲發凡起例寧質勿虛寧嚴勿濫務期遠不遺嫩  
近不撫浮永作榕城實錄二君深思旁訊含豪矜慎猶復謙讓未  
遑每一編成輒與予往來辨證稿再三易而後定凡戶口土田兵  
防郵政以及學校科名官師人物各門類體本周官典徵史載論  
協輿情缺者增僞者正蕪者芟本本原原十越月而告竣予披覽  
之下旣以自喜還以自惕曰揭之爲邑古矣膺符綰綬代不絕人  
求其在任民懷旣去民思者殊不多睹然考其時或世逢多故或  
歲遇洊祲不期有功唯期免過往往而是今際  
國家太平極盛玉燭調風雨時而宿望重臣宏宣

聖朝德意愷澤旁敷河婆琅山之墟悉化耕牧誦絃之壤爲令者心  
無他擾得一意拊循乃猶爲繭絲不能爲保障是重自愧耳余兩

度濫竽揭地於民風土俗知之頗詳顧賦稟疎庸恆虞虻負幸數  
年來民安吏拙控牒稍稀得藉手告成此書若者宜因若者宜革  
若者當先圖若者當後慮俾後之官斯土者展卷瞭如於以宜民  
而善俗或不無少補云

乾隆四十四年歲次己亥五月旣望文林郎知揭陽縣事粵西桂

平劉業勤撰



重修揭陽縣志姓名

纂輯

潮州府揭陽縣知縣桂平劉業勤

纂修

前湖南桂陽縣知縣番禺凌魚

協修

前直隸永年縣知縣邑人陳子承

校勘

邑

歲

貢

生倪謙受

海

陽

廩

生陳雄思

邑

庠

生陳鳳翔

揭陽縣志

卷之首

一

邑

監

生羅正佐



揭陽縣志

目錄

卷首

舊序

凡例

通縣疆域圖

縣鎮圖

縣署圖

學宮圖

書院圖

縣入景圖

書院入景圖

入都地輿圖

卷一

方輿志

星野

沿革

揭陽縣志

卷之首

目錄

一

潮汐

疆域

山川

古蹟

津梁

都囿

墟市

卷二

建置志

城池

公署

倉廩

鋪遞

學校志

學宮

書院

祠壇

典禮



廟宇

寺觀附

卷三

賦役志

戶口

田賦

經費

屯田

鹽法

雜稅

兵防

卷四

職官志

文職

武職

宦蹟

寓賢附

揭陽縣志

卷之首

目錄

二

卷五

選舉志

薦辟

進士

舉人

武科

貢生

武職

例仕

例職

例貢

封贈

恩廕

優行

卷六

人物志

賢達

孝義



懿行

鄉善

耆壽

列女

坊表

塋墓

雜記附

卷七

風俗志

風尚

歲時

氣候

方言

物產

事紀附

兵燹附

卷八

揭陽縣志

卷之首

目錄

三

藝文志

記

序

書

論

祭文

贊

頌

銘

詩

賦

考

跋



嘉靖乙巳志序

薛侃 邑進士行人司正

今之志古之史也修之朝曰史修之郡邑曰志其爲彰往察來取善懲咎一焉耳是故輿圖悉而形勝可覩也物產陳而徵求可適也興廢存而因革可從也文行錄而人才可稽也淑慝具而監戒可昭也以言乎邇則徵以言乎遠則弗遺以言乎立德立政則備焉志之義大矣哉吾揭介潮海之間南北二溪夾流數百里合而後入海城在腰會故俗分其水爲上下上水其民龐下水其民健而俗視他邑爲厚焉然邑治稍僻部使監司巡歷鮮至故一變而侈彭山季子自侍御出簿視邑事行約興頽百廢俱新再變而競前峯王子敷政旣久民倚而安之嘆曰漓而渾之弗一也紛而釐之弗竟也弱植而強摧之弗恆也其爲志乎崇其善而觀者興焉瘴其惡而不善者改焉其揭陽縣志

卷之一

舊序

惟志乎請於大巡瑞山公喜而與之於是窮諏博采委重鄭君峻甫再月而告成侃歸自羅浮臥病不能出辱書幣以序屬則應曰志修邑之幸也生斯邑者其容辭乎然懼無以闡也使再至乃述諸往以告諸來

又

盛端明 海陽進士禮部尙書

志者史也史氏之要有三曰紀事曰垂憲曰貽遠三者雖各有所主然其本則存乎實耳蓋紀事不實則無以考往蹟垂憲不實則無以昭善惡貽遠不實則無以信將來是故史學之難也非史之難也難乎其入耳揭陽令王君鳳以江右之宿學名士治邑一以誠確廉愼爲先甫餘三載而百廢俱興而於作人正俗尤其留意暇日因考舊志多缺乃聘儒碩相與訂正增輯而成是志呈於當道將欲梓行詣



予索序予以疾弗克周覽第摘其一二如人物諸志皆其覈實可傳者乃爲之序曰揭陽古邑也漢以前以揭陽名潮後乃有三陽之名曰海潮揭而隸於潮州至今云揭陽者以邑而仍郡之古名也然邑之名雖古必得賢令尹爲之綏輯而表章之迺覺政教明而風俗一今君之治旣紹美龔黃流芳百世而君之志復追蹤班馬備極三長覩是志者將以垂憲貽遠之實而佩服之不謬奕代而下猶肅然起敬曰是王公之所志也嗚呼不其可美也哉不亦可畏也哉

又

王鳳

吉水舉人  
邑知縣

揭志成邑士夫咸歸績于鳳且用爲慶鳳爲之懼曰得寡過幸矣奚績爲夫揭望邑也如風俗如民物如山川如田賦如人才如宦歷咸吾有是邑者所當知也弗知弗明知而弗記弗仁記而弗詳弗備詳

揭陽縣志

卷之一

舊序

二

而弗核是謂失實備是數者而或自用自專焉過猶不免此鳳所以懼也迺關白於撫按藩臬當道乃徵舊志乃屬草於學師弟子迺聘鄉進士仙橋鄭君訂正而增輯之乃請於程齋盛公中離薛公以序之然鳳猶惴惴焉弗敢以自安何也蓋風俗審矣民物著矣而吾所以正之阜之者未知何如也山川昭矣田賦則矣而吾所以寧之均之者未知何如也人才辨矣宦歷紀矣而吾所以去取之師法鑒戒之者未知何如也然則焉用彼志哉此鳳所以益爲之懼也夫始而懼之懼夫志之無也終而懼之懼夫志之有也此鳳所以幸寡過而弗敢以自安也後之君子相與期無負今日當道諸公之委無負今日作者序者之意是志其有永矣敢識之簡端以告

又

鄭大崙

邑舉人  
德清教諭



昔先大夫嘗曰周官外小史掌邦國四方之志御史掌書揭之乘缺也久矣余將詳之以贊未及焉痛哉崙近嘗謂族父碧河曰叔國史也其成余先人志諾焉豈謂即修文地下邪崙於是惴惴焉恐溘先朝露終不獲覩邑之成志也今夏五月吾侯有命先之以鄉進士吳君繼喬許君守愚代致侯意二君書曰惟吾執事俯徇衆推勉就邑侯之請爲榕一出加筆削以定萬世之公邑侯書曰當道委成初稿顧鴻裁卓識所以協人心而垂之不朽者將有望於吾先生余曰愚則何敢若佐書吏以少効微勞則不敢辭秋八月又申前命九月望崙謹從侯所遣弟子員將命者赴館請侯所創稿而校之稍增一二而已今梓工臨竣崙不覺喜而喟曰余獲覩所志之成也侯之力也侯之賜也嗚呼其何能忘諸

揭陽縣志

卷之一

舊序

三

崇正辛未志序

陳鼎新

海寧進士  
邑知縣

揭陽爲嶺南支邑耳潮皆古揭陽地而此獨仍秦漢舊名何哉將母其地更爲奧區耶粵中以貨殖奇麗甲天下而揭不稱焉合浦以珠胎英德以石丈高要以硯材香山更爲洋檣寶貝所走集揭無是也而獨以本業勝夫明主貴五穀而賤金玉今所貴者在是矣蓋閩粵間崇山連邇雲封萬疊杳不見平蕪曠土可耕牧其中而揭於衆峯盤紆之外盡屬原田綿邈連阡饒肥膏沃且環以大溪灌溉之利不虞乏而一歲夏秋種穀兩稔不後於三吳荆楚昔管子稱恆山北臨代南俯趙東接河海之間早生而晚殺五穀之所蕃熟四種五穫焉予疑北嶽屈在朔漠其地苦寒抑果有五穫者乎而今於揭天時地勝兩相值焉閩漳數郡全倚轉輸以待命而又烏用珠璣之錯落爲



也夫菽粟既足則知禮義揭陽越萬山迫臨海上似輿圖中別結一世界意其人必渾樸泯機智或稍近於剽野而今何冠裳彬郁斷斷如也近復文明啟闢甲第連綿膠庠士子不下中州之彥而人文化成當日益隆起矣然而嘯聚之儔亦隨之以熾毋乃農家歲穰則穀賤歲歉則廩懸本業爲虛饑寒迫之而風氣亦漸梟競耶蓋鷙眼狼心旣生於饒富禮義之邦固自不可名教繩而要以人懷生計戶曉詩書不難道而齊之今揭所患者特以山深海曠他邑之流突者利吾揭之多粟耳若揭盜何不能靖哉新承乏此地深懷祇懼甫來卽欲平戶役詰兵制斬一除舛釐蠹以與民相更始而偶閱邑乘蠱蝕漫漶不可以目蓋核其簡筆曠隔八十年於今矣夫志非徒志山川疆域也將興革利病昭焉抑又袞鉞法戒垂焉此鉅典可缺然乎前

令馮君早已具儀幣請郭太史爲政而尙未屬稿新猥承馮君後幸太史尙居邑中卽敦請其終事時亦搜採以佐之閱數月而告竣然太史抗正不阿凜若秋霜彰直筆以示後新更有悚惕者焉夫縣宰奉朝章職守土之寄例得鱗次列名諸尹之後非若他志之載名宦止述其賢者而置庸劣弗道可以覆短也亦非若採邑里名賢網羅不無掛漏可以潛德不耀自成高士爲辭也旣已書名簡中而猶碌碌何奇漫無裨於疆土生民而瘞尸祿糈視若傳舍而去山川增愧口碑不芬徒使後之人止曰有某尹蒞茲土耳了不繫伯芟之思則又安用居宦爲也夫仕卽不能如卓密令虞朝歌諸君子炳朗國史而倘辱邑乘之名是豈能弛然不自警者哉問俗採風善刀導窳更斬太史有以迪我耳時崇正壬申仲冬書於邑治退思處



又

汪國士

懷寧進士  
邑知縣

蓋汪子自閩移揭而揭之儀部郭君亦奉使事出都門維閩先菊月  
汪子至蒞揭儀部君又事竣先一日抵里邦有賢大夫新令尹之政  
可問而知也樺燭過從綺筵論辨儀部君靡不關民瘼之腸胃靡不  
勤咨訊之齒牙則揭志書之成已先於壬申仲冬月而茲第刪其蕪  
者其撫摺而不甚切於地與時與事者其膚廓而不足傳於信與疑  
於來茲者汪子一再讀邑乘之善更無右焉者汪子材樗若律已維  
謹不欲以才逾格度揭之地腴民醇士大夫忠信相先而予以樸樛  
之本體撫鳳絲於黃岐之下奏牛刀於藍田之間庶其免於戾乎顧  
邇年海氛熾科賦嚴箠篁荏葦之寇盜不絕於報則治揭者非艱於  
地與氓艱於時也時移而窰保甲之申明習爲故事什伍之頒設視  
揭陽縣志

卷之首

舊序

五

爲虛文緝嚴擒獲之功令未足以戢竿挺而先病閭閻忠孝節義之  
訓誨未足以沁肺腑而徒逞膂力汪子滋懼又滋感焉今一披覽邑  
志而逖思夫當年坊里保社之井然畝澮塍洫之縟然耒耜管絃之  
熙然先後吳陳襄敏中離諸君子之蔚然何必遠師卓魯近失芳懿  
乎誠以揭之志爲治以揭之刪志者之心爲治心則易簡昭於律襲  
畫諾印于先後達有餘矣夫爲政者聞操絲而治之未聞治而焚之  
茲志之卒成其益于司邑符者不淺豈第侈五嶺之一誇南越之支  
已哉崇正甲戌仲冬月題

康熙丁卯志序

林杭學

江寧生員  
本府知府

揭於十一邑中獨爲水道要區潮澄有其汪洋而舳艫之灣泊不得  
加焉以風濤之飄忽而澳口不得利便也海邑有其經流而外港之



舟楫不得至焉以沙汕之淺閣而妨槳礙舵有所難行也獨揭水無此患然而人鮮蓄儲室廬凋敝宰是邑者方勞來安集之不暇安能有餘力以及志事其闕畧者蓋五十有七年矣非無賢令尹意圖修輯而阻於時事偶值大兵大役則又闕焉中止茲者和風入律海宇寧謐舜江廉水鄭君來治斯邑興念及此又值 朝廷徵取列邑志乘鄭君遂闡精覃思旁搜纂輯兼延耆碩以資討論數閱月而厥志告成呈稿於余請序其端予謂揭志當闕畧之餘實繁且艱艱繁旣甚是謂盤錯利器攸別其在于茲試取而觀之則芟繁就簡義類洞然舊帙旣就陶鎔新編亦循矩度洵足述往昭來傳疑傳信該制治保邦之謨通天地神人之蘊也舉余平日所欲稽之故實詢之黎獻者於今旣釐然就緒孰謂百里烹鮮之記載不堪資職方氏之採納揭陽縣志

卷之一

舊序

六

哉宋潮州守彭君延年明潮州守周君鵬邱君齊雲嘉揭邑之勝概往往形諸吟詠今予覩邑志之成亦千載一時也安可無一言以紀厥美乎遂援筆而爲之序

又

鄭

濂

餘姚舉人  
邑知縣

志者史之遺也古之國未有不史者也封建更爲郡縣而史氏之職廢於是有不史者矣卽稗官野乘間或數見則猶不史非不史也史而不核猶不史也夫鏡古以證今論世以知人採風問俗所必資章志貞教所必藉若之何其忽之揭邑自宋宣和迄明崇正閱歲五百有奇志凡兩易自崇正初歲歷我 朝至於今幾六十年較諸前志之相距似未云遙也而此際之缺畧有更難稽核者何則鼎革以後屢易滄桑揭處四戰之衝方之前古無此頽毀較之諸邑倍甚凋殘



詢口語則老成既往蒐別集則典章散棄文獻之缺所由來矣兼以舊志板焚僅存殘帙一綫不續將并古昔之遺留而全佚之何論此數十年來廢興大事耶予膺綬此邦每愴然以邑乘未新爲念茲承上憲檄修乃旁搜遺書博採羣議手纂志藁請大山楊先生纂修之維時先生初值內艱以未遑涉筆辭延聘孝廉余君明偉羅君豈藏彙輯而校增焉二君輟芸窗之業而閭精討論予也停簿書之冗而專意釐定凡數月而志成爲綱十爲目七十有奇云抑予因之有感矣揭巖邑也方輿寥廓必也聯屬之而使不渙建置崇巍必也維係之而使不堙職掌明矣當思所以副是任者賦役定矣嘗思所以軫是供者先禮而後兵春溫秋肅曷由允協省風而選秀俗茂賢升曷由駢臻且人文化成尤非區區智駕術馭可以旦夕効者惟覩是志揭陽縣志

卷之一

舊序

七

又

羅國珍

邑舉人昆  
明知縣

古者有國史有閭史其閭史卽今之志也雖云史之支流然一時紀載百年之是非以之俯仰古今燦若列眉且採之太史存爲國是謂可以方言忽之哉江淹曰修史之難無出于志蓋志者所以維直道而信今傳後也任已則刻徇人則濫維刻與濫是滋僞也若之何言焉可傳傳焉可信耶揭處海澨秦漢間潮皆揭地至宋宣和卜治玉窖而邑仍以名建置來有聲東粵舊矣閱歲五百有奇志之修也僅一再見明季時事變遷地成戰壘其不爲狐宅茂草者幾何矣且也



芻蕘之應傷乃民隱滂沱之災時切禾稼蠹粉蝸涎之際猶有問邑乘而執筆從事者乎我朝重熙累洽百度維新邑侯鄭廉水先生以良史才來宰是邦握璣而化吹薰以字浸浸乎瘡痍之起矣乃鞅掌公餘留心文獻慨然以志事爲已任遂開局延訪或斷簡之猶存或老成之未謝博採宏蒐補其缺芟其蕪明其微闡其幽不佚舊不侈新體裁旣具屬余成編俾分門彙帙寧慎毋濫寧質毋文寧核毋私要存其可信可傳者維三代之直以公斯世已爾風雲月露將安事也是則先生志也由一邑而之天下懲以是焉勸以是焉觀政以是焉觀教以是焉先生之化成固于茲覩吉光之片羽矣

又

余元起

邑舉人蒲城知縣

揭陽縣志

卷之一

舊序

八

輶軒之紀載上憲採志乘之典文迺延從事罔敢後時凡在專司奉行尤謹榕城僻處南服井疆頗號奧區邑宰夙擅鴻章愷悌輒形吟詠謂志以徵事務期光大于前人使邑無全書何以昭垂于來者事關鉅典道在僉謀亟爲考厥舊編漸次重加新訂嘆曩帙之謹存若綫念繼起之追躡如風蓋揭治當戈甲之衝因致滄桑屢變而文獻居燼灰之後遂覺殘缺日滋六十年考證維艱百千端折衷奚自侯特率先纂稿爰定良規馬班之巨筆揚芳細目共宏綱並舉游夏之一詞莫贊榮章與威鉞兼施顧尙撝謙用頒儀幣俯謀譔以弗棄菲葑固謝不遑奚有三長之譽擒辭無當聊効一得之愚繙閱殷勤校衡審顧昔所未備則旁蒐於斷簡殘碑今所宜臚更博徵於方言稗乘微厥顯闡厥幽不敢忘三代之直刻其夸存其實固知匪一人之



私冀茲數更積晨曜暮燈而鏡別丹鉛既就祈清霜紫電以斧裁

雍正辛亥志序

陳樹芝

湘鄉廩生  
邑知縣

秦戍五嶺而後設縣曰揭陽隸南海郡揭陽蓋先郡而得名也迨宣和間啓疆玉窖于是辨疆域於星文列山川於地軸有城郭宮室之壯有禮樂兵農之宜政治新而風氣開爲前哲之官遊爲名賢之挺生爲道德文章之發越治稱近古而搜文考獻編紀有書則始前明嘉靖之朝夫星分牛女地屬揚州嶺以南皆同城郭壇壝諸政必舉亦置郡設邑所有若憑高遠眺天半高峯戍守之故壘也落漢鳴泉朱子之芳躅也三山叢谷之間昌黎之祭界石也麻田巖壑之際子野之醉煙霞也而政成俗美名臣如季彭山鄉賢如吳安成陳梅州政事文學虎炳豹蔚非揭獨擅也哉近以修一統志奉文令郡邑各

揭陽縣志

卷之一

舊序

九

上方書余乃掃東閣列圖籍親楮毫求舊老之傳聞採月旦之輿論延海陽副車蔡君祖坤布衣卓君榮襄其事而貢賦一書尤得我友傅君偉才任考核自秋徂冬旣成因付剞劂其星野山川亘世不改則仍其舊文若城池宮室有修舉署舍古蹟有廢興禮樂兵農有因革官舉其賢人擇其偉詞章登其大雅蓋靈秀所鍾德化所陶衣冠文物濟濟彬彬歷千百年于今而獨鳴其盛矣余聞邑之志惟秦中稱善蓋時至隆平郡邑長不以錢穀考成無盜賊徵求擾其慮得一意長養教化植人材美風俗久於其官於以從容而載筆又得鄉名賢如漢坡槐野苑洛涇野對山諸先生以相成故貫穿百家滙聚經史故其志爲天下獨美今揭時和年豐夜扉不閉追呼不聞訟庭吏稀而余得握三品之管以紀太平則是志也雖未得媲美於秦中而



際大同之治則遠過之其可以拜乎颺言以備太史輶軒之採矣

乾隆壬午續志序

黃大鶴

如皋附貢  
通判署事

周禮大司徒以土會土均之法辨十二壤之名物太史集里詠方言獻於朝纂錄取副郡國則圖志之由來尙矣夫魏風刺儉曹風刺奢燕冰不伴越草不零陸則資車水則資舟苟不審異同之故何以察順逆之端是故因其教不易其俗循其性不拂其能天子命吏來旬來宣莫不徵考邦書以善其政治則欲鑒古證今宜民起化志之增修殊亟亟耳揭爲秦戍五嶺外一巨鎮列諸九郡今爲潮之屬邑近控潮澄遠睨惠陸當郡治西南要衝屹屹然金墉也邑有前明舊志已歸於殘滅至國朝康熙初餘姚鄭君續修之迄今城池疆域戶口貢賦土俗民風今昔已異宜其間或山川割隸或郊藪遷移指南

揭陽縣志

卷之一

舊序

十

一車記里一鼓詎足任敷按籍而稽履畝而稅良多闕矣自湘潭陳君瓊田奉文修輯較加詳備顧閱今又垂數十年版籍模糊浸以殘闕又乾隆三年分邑之藍田數鄉增設豐順村墟煙舍不無互牽復釐正之不可緩者辛巳秋余來攝篆時大令王君可堂以才能權海邑嘗以揭乘不修爲未逮之志屬予纂而修之爰設校讐之局網羅散軼以闡幽微考獻徵文罔遺其舊昔所未備者則諮詢而採錄焉入越月而工竣昔韓嬰有言不習爲吏視已成事司馬子長亦云前事不忘後事之師余以輅材越俎深懼無以報稱幸揭素稱聲名文物之地前人芳躅布在方策時取而繙閱得所師承猶恨辛亥而後紀載無聞莫備輶軒之採擇因忘其固陋貿焉從事極知續貂無當庶幾備三千餘年之掌故俾後之有志重修者得所藉乎云爾



凡例

一縣自宣和辛丑設治而後志凡三修始修於明嘉靖乙巳維時創纂者邑令王鳳增校者孝廉鄭大崙也再修於崇正辛未裁閱者邑令馮元颺陳鼎新汪國士纂修者詹事郭之奇分輯者都閫黃夢選庠生王陽春陳仕清謝燾袁年校勘者庠生陳應登楊闡也三修於

國朝康熙丁卯纂輯者邑令鄭濂增校者孝廉余元起羅國珍校閱者教諭李英訓導李廷鎡也四修於雍正辛亥裁閱者邑令陳樹芝分纂者海陽副貢蔡祖坤布衣卓犖也五修於乾隆壬午署邑事惠州通判黃大鶴也例應備書

一是書爲綱入爲目六十八較前志加詳其間有增補者有更刪者

揭陽縣志

卷之首

凡例

一

皆參稽省府二志及蒐採名家文集斟酌而損益之不敢稍憑臆見

一星野沿革山川都置等類雖各沿舊文而歷代源流古今險易里道遠近逐一詳核俾開卷瞭如

一學宮先賢先儒次位奉文更定天下通行而舊志東廡先賢自梁鱣以下至邵雍三十二人仍列西廡西廡先賢自巫馬施以下至程頤三十一人仍列東廡乾隆二年有若已升哲仍列先賢吳澄已復祀仍缺不載乾隆八年祭聖樂章已奉部新頒亦仍書其舊今悉更正

一賦役款項最屬紛繁舊志於原額今額及割隸豐順者錯雜重書又屯糧已詳賦役復行另載今省去煩複以歸簡明



一經費有原額有裁解屯田有戶名有畝數鹽法有額花紅有溢花紅舊志多不分明今并臚列

一雜稅內棉湖稅糖寮稅湯亭埠稅河婆埠稅四項向來最爲民累雍正九年已奉文於豁無名之征案內經前令陳樹芝詳銷不宜復存其迹又寺觀田租卽注於寺觀下足矣闌入官租中甚無謂也今并削去

一鄭陳二志於職官中以臧敗以計去一一註明正見歷久弗磨足昭炯戒續志概行塗抹殊失勸懲今照前補入至寓賢舊志夾叙於耆壽懿行之內嫌於主客混淆茲移綴名宦傳後似符體制

一志書首重莫如人物揭賢如莊惇之薛中離翁襄敏薛子修鄭世穆林志和諸公皆一代偉才而舊志叙述寥寥實爲簡略今參之

揭陽縣志

卷之首

凡例

二

明史攷其家傳本末詳明不留餘憾矣至一行之善亦屬好修或有濫竽然舊志旣登今無憑概從削例

一人物列傳舊志首賢品而附以鄉善孝義次耆壽而附以懿行體裁未協今更賢品爲賢達先敘於前以莊薛翁林諸公功在朝廷非尋常可伍也繼孝義重彝倫也次懿行表幽芳也至髮禿齒危之叟沐浴太平異膳宿糧王政必及因以耆壽殿焉

一舊志有鄉善一門蓋雍正丙午丁未連歲飢饉紳士解衣推食惠此一方曾蒙憲司所獎也今仍之而凡除路整橋施棺掩骼與建祠捐嘗修堤築堰等事皆類附焉庶幾慕義者觀感而興

一續志舛處甚多如職官中教諭余志余作余訓導全太冲全作金縣丞沈彥昇昇作申訓導屈復舒復作後則姓名誤也選舉中林



維翰之科仕移綴於林垌江果之銜缺移綴於鄭大化則官職乖也人物中邢之桂傳楊機部廷麟部作郭幾若兩人不知機部乃廷麟之字明史可考也藝文中襄敏紀畧序分宜爲政宜作而幾不可解不知分宜是袁州縣名蓋指嚴嵩也諸如此類難於枚舉至文義之訛字畫之錯尤疏校勘茲爲一一釐清

一選舉中闌入鄰邑者甚多揭未嘗乏人何必借才異地且旣注明某籍亦不足增光去之庶免牽混至武科列在掾吏各途之後軒輊失倫其行伍出身者并隸武功稱名亦謬今爲更置

一選舉中舊載村名非體也况揭邑諸村如溝頭溝口後埔後畔旣多相同且狗吠寮牽牛坑蛇頭寨馬子腰火燒頭雷劈地等名尤屬鄙俚置於科目下殊不雅馴黃志刪之而未全或有或無不免

揭陽縣志

卷之首

凡例

三

參差互見今概削之而注以都分迺覺整齊

一舊志有年表有祥異但邑乘而稱年表僭也且所載又雜以祥異眉目不清今統歸一門而改稱事紀亦便觀覽

一揭邑阻山瀕海向多伏莽且遠通吳越近達漳泉巨艦危檣寇盜往來尤易舊志有兵事一門載邑人罹禍最烈但傳聞有誤闕略滋多今博採羣書詳爲覲縷俾膺斯土者覽之綢繆未雨預戒不虞焉

一物產陳志箋注甚詳可資淹博但多非揭產徵引過繁今量爲節刪以省篇帙

一婦人從一之義等於臣忠白首全貞無力上達更爲可憫故舊志無論旌表未旌表皆錄於節烈中但其間有守清而節者有節而



非烈者今仿照劉向傳統稱列女亦國史邦書之通例也

一藝文取徵政治表揚忠節間及廟橋碑碣山川幽勝亦須典故攸關至私居堂記唱酬吟詠及貤封誥贈勅授官階通用之文例不縷登又詩文必與其人相稱方行入選非素有文名雖佳弗錄今所增者惟中離襄敏兩公頗多蓋其通達治道非復經生家言也餘不過略收一二懼濫也

一書院爲作人之地揭自乾隆癸亥始創建於城西前後令俱有撥田已詳載學校志內余兩任揭加之式廓復構新院一區中具池臺花木之勝因增繪書院八景圖於卷首


桂平劉業勤再識



# 疆域圖

## 揭陽縣志 卷之首


圖



縣總圖



縣鎮圖




揭陽縣志 卷之首

圖


二

縣署圖





# 學宮圖




## 揭陽縣志 卷之首

圖


三

# 書院圖





奎樓攬勝




揭陽縣志 卷之首

書院八景


四

蓬島聽泉





曙院書聲




揭陽縣志 卷之首

書院八景


五

射亭竹韻






躍鱗池方



方池鱗躍

曲沼荷香




曲沼荷香



# 芳庭挹翠

芳庭挹翠




# 揭陽縣志 卷之首

書院八景

七


# 嘉樹停雲

嘉樹停雲





黃岐夕翠




黃岐夕翠

揭陽縣志 卷之首

縣八景

八


紫陌春晴



紫陌春晴



釣鰲仙跡



釣鰲仙跡


揭陽縣志 卷之首

縣八景

九

南浦漁歌


南浦漁歌





護樓曉角

護樓曉角




揭陽縣志 卷之首

縣八景

十

玉窖橋榕


玉窖橋榕





兩溪明月

兩溪明月




揭陽縣志 卷之首

縣八景

十一


雙峰晚鐘

雙峰晚鐘






# 都湖漁



# 揭陽縣志 卷之首


圖四 十二

# 都山桃






地 美 都



揭陽縣志 卷之首

都岡梅






界樂長

界恩嘉

都田藍



藍田縣


揭陽縣志 卷之四

圖

十四

海豐交界


都田霖



霖田縣



# 磐溪都



## 揭陽縣志 卷之首

圖四

十五

# 官溪都

